

## Morning Dogri (NSD) National News Bulletin 26-05-2024

### आकाशवाणी

1. लोकसभा चुनावों में गेड़ च 61 फीसद शा मते वोट पे।
2. लोकसभा में ते खीरले गेड़ आस्तै चुनावों प्रचार तेज होई गोआ ऐ।
3. चुनावों आयोग नै लोकसभा चुनावों में पैहले 5एं गेड़ों च होए दे मतदान दे आंकड़े जारी कीते न।
4. गुजरात में राजकोट शहर च कल संजा अगग लगने आले इक बड़डे हादसे च 26 लोकें दे मारे जाने दी खबर ऐ।
5. आईपीएल क्रिकेट च चेन्नई च अज्ज सनराईजर्स हैदराबाद में कोलकाता नाईट राईडर्स बंशकार खिताबी मकाबला होग।

<><><><><><>

### 6<sup>th</sup> Phase National

लोकसभा चुनावों में गेड़ का मतदान कल होआ ते रातीं साढ़े 11 बजे तोड़ी दी रिपोर्ट मूजब 61 फीसदी वोट पेदे हे, 6 राज्यों में 2 केन्द्र शासित प्रदेशों में 58 संसदीय हलकों च मतदान होआ, जेहड़ा रमानदारी कन्नै संपन्न होई गोआ। कल उत्तर प्रदेश च 14 सीटें, हरियाणा च 10, बिहार में पच्छिम बंगाल च 8-8, दिल्ली च सब्बने 7, ओडिशा च 6, झारखंड च 4 में जम्मू कश्मीर की इक सीट लेई वोट पाए गे। जम्मू कश्मीर में अनंतनाग-राजौरी संसदीय हलके च 54 फीसद मतदान होआ जेहड़ा पिछले 35एं बरें च सब्बने शा बद्ध ऐ। बिहार च 55 फीसद वोट पे, हरियाणा च 60 फीसद, झारखंड च तकरीबन 64 फीसद में दिल्ली च 58 फीसद मतदान होआ ते ओडिशा च 69 फीसद मतदान होआ जदके उत्तर प्रदेश च 54 फीसद में पच्छिम बंगाल च 79 फीसद शा बद्ध मतदान दर्ज कीता गोआ। इस गेड़ च कुल 889 मेदवार खड़ोते में हे। प्रमुख मेदवारें च वरिष्ठ बीजेपी नेता धर्मेन्द्र प्रधान, मेनका गांधी, मनोहर लाल खट्टर में मनोज तिवारी में कांग्रेस में दीपेन्द्र सिंह हुड्डा, कुमारी शैलजा, राज बब्बर में कनैहया कुमार शामिल न। समाजवादी पार्टी नेता धर्मेन्द्र यादव में

पीडीपी प्रधान महबूबा मुफ्ती होर बी मैदान च हे। तोआई ओडिशा विधानसभा दी 42 सीटें लेई बी कल मतदान होआ। सब्बने गेड़ें च होए दे मतदान दे बारे दी गिनतरी 4 जून गी होग।

<><><><><><>

## Jammu & Kashmir

जम्मू कश्मीर च, उपराज्यपाल मनोज सिन्हा होरें अनंतनाग—राजौरी संसदीय सीट पर एतिहासक मतदान तांई लोकें ते अधिकारिणं कन्ने जुड़े दे कर्मचारिणं गी बघाई दित्ती ऐ। उनें चुनां दरान केन्द्र शासत प्रदेश दिणं सब्बने 5 लोकसभा सीटें पर सुरक्षा बवस्था लेई जम्मू कश्मीर पुलस ते सुरक्षा बलें दी सराहना कीती। श्री सिन्हा होरें सोशल मीडिया पर इक पोस्ट च आखेआ जे मतदाताएं बड़ी बद्ध गिनतरी च चुनां च हिस्सा लेइयै लोकतांत्रिक मुलें गी मजबूती प्रदान कीती ऐ। जम्मू कश्मीर च 5एं संसदीय सीटें आस्तै 5 गेड़ें च मतदान होआ। चुनावी प्रक्रिया पूरी चाल्ली निष्पक्ष, पारदर्शी ते स्वतंत्र रेई। इस दरान 58 फीसद मतदाताएं वोट पाने दे अपने अधिकार दा इस्तेमाल कीता, जेहड़ा इक रिकार्ड ऐ।

<><><><><><>

## Campaigning

लोकसभा दे 7में ते खीरले गेड़ लेई चुनां प्रचार नै तेजी फगड़ी लैती ऐ। बक्ख—बक्ख राजनैतिक पार्टिणं दे प्रमुख नेता ओकड़े हिस्सें च प्रचार करै करदे न जित्थें इस गेड़ च वोट पाए जने न। बीजेपी दे वरिष्ठ नेता ते प्रधानमंत्री नरेन्द्र मोदी होर अज्ज उत्तर प्रदेश दे मिर्जापुर, धोसी ते बासगांव च जनसभाएं गी संबोधत करगंन। उत्तर प्रदेश दे मुख्मंत्री योगी आदित्यनाथ बी मिर्जापुर, चढोली ते गोरखपुर च चुनां प्रचार करगंन। तोआई बीजेपी दे वरिष्ठ नेता ते गृहमंत्री अमित शाह होर अज्ज बिहार दे कासकाट ते सासाराम संसदी हल्के च चुनावी रैलिणं गी संबोधत करगंन। बीजेपी दे राष्ट्री अध्यक्ष जे.पी.नड्डा बी अज्ज बिहार दे जहानाबाद, आरा ते नालंदा लोकसभा हल्के च जनसभाएं गी संबोधत करगंन। जेडीयू दे अध्यक्ष ते बिहार दे मुख्मंत्री नितिश कुमार, लोक जन शक्ति पार्टी दे प्रमुख चिराग पासवान, राष्ट्री जनता दल, कांग्रेस ते वाम दलें दे महागठबंधन दे नेता बी अज्ज बिहार च चुनां प्रचार करगंन। तोआई आम आदमी पार्टी दे नेता ते दिल्ली दे मुख्मंत्री अरविंद केजरीवाल होर अज्ज पंजाब दे बटिंडा लोकसभा खेत्तर च चुनावी रैली गी संबोधत करगंन।



## IPL

आईपीएल क्रिकेट दा खताबी मैच अज्ज सनराईजर्स हैदराबाद ते कोलकाता नाईट राईडर्स बश्कार चेन्ई दे एम.ए.चिंदबरम स्टेडियम च खेड्देआ जाग। कोलकाता नाईट राईडर्स 9 जित्ते 3 होरें ते दऊं बिजन नतीजे दे मैचें कन्नै अंक तालिका पर 20 अंके कन्नै सब्बने शा उप्पर ऐ। उनें क्वालीफायर इक च सनराईजर्स हैदराबाद गी हराइयै सिद्धे फाइनल च अपनी थाहर बनाई ही। तोआई सनराईजर्स हैदराबाद नै दुए क्वालीफायर मैच च राजस्थान रॉयल्स गी 36 रंजें कन्ने हराया। कोलकाता नाईट राईडर्स ते सनराईजर्स हैदराबाद दौनें टीमें इस सीजन च 6 बारी 200 शा ब0 स्कोर बनाया ऐ। सनराईजर्स हैदराबाद ने 3 बारी 200 रंजें गी पार कीता ते कन्नै गै रॉयल्स चैलेजर्स बैंगलुरु खलाफ 287 रंजें दा सब्बने शा ब0 स्कोर बी बनाया ऐ। कोलकाता नाईट राईडर्स नै दऊं बारी 250 रंजे दे आंकड़े गी पार कीते दा ऐ।

<><><><><><>

## IMD

भारतीय मौसम विभाग नै आंध्रप्रदेश च चेतावनी जारी कीती ऐ जे चक्रवाती तूफान रेमल देश दे पूर्वोत्तर इलाके ते बंगलादेश च आवा'रदा ऐ। इस चक्रवाती तूफान दे अज्ज पच्छिम बंगाल कन्नै टकराने दी आशंका ऐ।

<><><><><><>

## Simran Sharma

भारत दी सिमरन शर्मा नै जपान दे कोबेच विश्व पैरा एथलैटिक्स प्रतियोगिता च सुन्ने दा तगमा जित्तेआ ऐ। सिमरन नै कल महिलाएं दी 200 मीटर 7-12 स्पर्धा च 24७95 सकिंटें दे अपने सर्वश्रेष्ठ समें दे कन्नै सुन्ने दा तगमा जित्तेआ। भारत नै विश्व पैरा एथलैटिक्स प्रतियोगिता च सुन्ने दे 6 तगमें सनें कुल 17 तगमें जित्ती लैते दे न ते ऐल्ले भारत अंक तालिका च 6में नंबरै पर ऐ।

<><><><><><>